

濂洛風雅

六七



漢書門			
九	四	三	九
一	〇	五	函
一	四	二	冊

內閣文庫			
五	九	四	三
函	一	四	三
八	冊	號	類

理學全書

內閣文庫	
番號	漢 9439
冊數	142 (17)
函號	299 47



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



瀛洛風雅卷六

朱晦菴

七言律詩五十九首

五言絕句八十九首

七言絕句九十一首

詩餘二首

張南軒

五言古詩五首

五言律詩一首

聯句一首

七言律詩一首

淺草文庫



朱晦菴

瀟洛風雅卷六

朱晦菴

七言律

次韻傅丈題呂少衛教授藏書閣

西樓誰與共閒居
茂樹婆娑清晝餘
大隱祇今同一壑
行吟非昔似三閭
揣摩心事惟黃卷
料理家傳亦素書
更鑿寒泉供漱石
世紛不擬問焉如

和劉抱一

幾年牢落舊村墟
此日翛然水竹居
病起試尋春徑草
客來聊煮雪畦蔬
開樽細說平生事
信手同繙集古書
適意何勞一千卷
新詩閑出笑談餘

再和

久矣投裝返舊墟不將心事賦閑居
荷鉏帶月朝治穢植杖臨風夕挽蔬
三徑猶尋陶令宅萬錢聊借鄴侯書
木瓜更得瓊琚報吟咏從今樂有餘

數日前與判院丈有宋村之約
雪中有懷奉呈判院通判二丈

雲垂天濶歲將闌一室脩然獨掩關
擁褐不知風折木開軒惟見雪漫山
玄空杳靄低迷外碧樹瓏璵掩映間
吟罷左思招隱句扁舟無路過長灣

奉陪彥集克父同遊瑞巖謹次莆田使君留題之韻

踏破千林黃葉堆林間臺殿鬱崔巍
谷泉噴薄秋逾响山翠空濛畫不開
一壑祇今藏勝槩三生疇昔記曾來
解衣正作留連計未許山靈便却回

伏讀趙清獻公瑞巖留題感歎之餘追次元韻

趙公名迹此猶微已薦行藏第一機
直自當年留翰墨至今窮谷尚光輝
時清諫疏空遺藁歲晚高齋自掩扉
高齋公晚年所居每夕獨處一室使人扁其外云珍重九原如可作問渠何處是真歸

伏讀二劉公瑞巖留題感事興懷至于墮涕追次元韻偶成二篇

誰將健筆寫崖陰想見當年抱膝吟
緩帶輕裘成昨夢

遺風餘烈到於今西山爽氣看猶在北闕精誠直自深
故壘近聞新破竹起公無路祇傷心
投紱歸來卧赤城家山無處不經行寒巖解榻夢應好
絕壁題詩語太清陳迹一朝成寂寞靈臺千古自虛明
傳來舊業荒蕪盡慙媿秋原宿草生

舫齋

扁舟容與小房櫳搖颺簾旌蜀錦紅兩岸蒹葭秋色裏
一川煙浪夕陽中不愁灩澦雙蓬鬢未怯江湖萬里風
築室水中聊爾爾何須極浦望朱宮

月波臺

潺潺流水注田塘中作平臺受晚涼四面不通車馬跡
一尊聊飲芰荷香韓公無復吟花鳥楚客何勞賦葑房
少待須臾更清絕月華零露洗匡床

挽蔬園

未覺閑來歲月頻荷鉏方喜土膏勻連畦已放瑤簪露
覆地行看玉本新小摘登盤先餉客曉炊當肉更宜人
却憐寂寞公儀子拔盡園蔬不歎貧

曲池軒

去年種竹長新篁今歲穿渠過野塘自喜軒牕無俗韻
亦知草木有清香林間急雨生秋思水面微風度晚涼
却歎端居苦無事凭欄閑理釣絲長

留秀野劉丈

二首

好雨當春過一犁我公遠憶故園西孤篷穩轉清灘急
十里行穿綠樹齊路熟已欣經霧市身輕未怕躡雲梯
諸孫剩欲留公住細和新詩丐指迷
一去屏山今幾春歸來三徑但荒榛剪除便覺風烟好
徙倚還驚物色新樓外干林遮去路階前一水戀行塵
勸君更作留連計同社追遊苦未頻

次秀野滄波館刈麥

傳聞泛宅賀新成破月衝烟取次撐鷁首斜飛寒浪急
篷牕側轉好山橫知公興有江湖迴顧我詩無玉雪清
欲跨船舷還未敢幾時得伴鏡中行

次秀野咏雪韻二首

閉門高卧客來稀起看天花滿院飛地迴杉篁增勝概
庭虛烏鵲噪空饑酒腸凍澀成新恨病骨侵凌減舊肥
賴有袁生清興在忍寒應未泣牛衣
一夜同雲匝四山曉來千里共漫漫不應琪樹猶含凍
翻笑楊花許耐寒乘興正須披鶴氅淪甘猶喜破龍團
無端酒思催吟筆却恐長鯨吸海乾

次秀野韻

當年共剪北山萊脩竹成陰手自栽書卷莫教春色老
紫荆肯為俗人開公能顧我傳新句我欲留公撥舊醅
悵望南園芳樹底明年應放小車來

次秀野躬耕桑陌舊園之韻二首

郊園旱久只多蹊昨夜欣沾雨一犁已辦青鞵隨老圃
便驅黃犢過深溪農談剩喜鄉鄰近饁具仍教婦子携
指點竹寒沙碧處不知何似錦城西
丈人高致邀難干雲夢何如胷次寬老去未妨詩律在
人來只怕酒杯乾故開麥隴供家釀更有蘭章付客看
下走才慳慙屬和願公物色稍留殘

次韻雪後書事

未覺春光到柳條誰教飛絮倚風搖眼驚銀色迷千界
夢斷彤庭散百寮梅塢任從長笛弄竹牕閑把短檠挑
何人剝啄傳清唱更喜殘年樂事饒

次秀野春晴山行紀物之句

祇憑詩律作生涯到處山林總是家便與清尊卧芳草
不妨皂蓋拂殘花側聞温詔詢耆艾好趁春風入殿衙
回首能忘舊猿鶴一篇聊爾記年華

次韻寄題芙蓉館

不須艇子棹歌來且看芙蓉面面開卷裏有詩都錦繡
席間無地可塵埃風清月白琴三弄綠暗紅深酒一杯
明日仲宣樓上去越吟仍是首頻回

葺居

次秀野雜詩韻

丈人高卧碧江頭門掩西風萬木秋重喜青山還遶屋
却嫌黃葉漸平溝開軒且放浮嵐入決水徐通廢圃流
便覺園林頓蕭爽不妨隨境味玄幽

浦添屋牙遺六
五
向來鞅掌元非病此日徜徉詎有妨
自喜登臺開瘦竹
人驚步屨響空廊
高齋雨過新山色
曲沼風來舊水光
千里壯心殊未已
不應踈懶興能長

題鄭德輝悠然堂

高人結屋亂雲邊
直面羣峰勢接連
車馬不來真避俗
簞瓢可樂便忘年
移筇綠幄成三徑
回首黃塵自一川
認得淵明千古意
南山經雨更蒼然

仲績尊兄對策南宮相顧田舍輒賦攀餞

三徑荒涼獨掩門
故人車馬過相存
長安此去無千里
濁酒何妨盡一尊
共說淵源非曩日
好披肝膽奉明恩
不辭妄竊仁人號
執手臨岐敢贈言

送謝周輔入廣

夫君壯節與竒謀
屈首微官世所羞
攬轡未妨聊矍鑠
賦詩直為寫離憂
蒼茫嶺海三年別
珍重親朋幾日留
滿意分携一杯酒
登山臨水不能休

和亦樂園韻

莫笑君家五畝園
要須胸次亦平寬
坐間花柳陰初合
望外山河勢若蟠
把酒儘誇雙鬢綠
擊鮮爭見兩輪丹
鄰翁未到心先識
更喜詩筒得細觀

遊密庵分韻賦詩得清字

誤落塵中歲序驚
歸來猶幸此身輕
便將好友尋山去
更喜新詩取意成
煖翠乍看潭欲滴
寒流重聽不勝清

個中有趣無人會琴罷尊空月四更

宿密庵分韻賦詩衣字

不到仙洲歲月移携壺特地款巖扉已驚素雪清人骨
更喜蒼烟染客衣新賞不妨頻徙倚舊題何事獨嗟唏
明朝驛騎黃塵裏莫待迷塗始賦歸

次圭父觀魚韻

平生三伏斷追遊誰喚來穿澗樹幽初訝網橫天影破
忽驚人蹴浪花浮鳴榔不用齊吳榜鼓柁何須學楚謳
便有金盤堆白雪却憐清泚向東流

次晦叔寄弟韻

二首

聞道君歸湘水東經行長在白雲中詩成天柱峯頭月

酒醒朱陵洞裏風舊學難酬香一瓣流年誰管鬢雙蓬
書來為指諠訛處不涉言詮不落空

試上閩山望楚天鴈飛欲斷勢還連憑將袖裏數行字
與問雲間雙髻仙我訪舊遊終有日君歸故里定何年
祇今千里同心事靜對筆瓢獨喟然

熹次延之年兄韻敬題紹德菴真如軒寫呈伯

時季路二兄

先生可是愛吾廬來住鄰菴幾閨餘栢下竟開千歲室
竹間猶插萬籤書悲涼共識臨風處遊戲誰知落筆初
寄語山靈勤守護莫將題柱比相如

九日登天湖以菊花須插滿頭歸分韻賦詩得

歸字

去歲瀟湘重九時滿城寒雨客思歸故小此日還佳節
黃菊清樽更晚暉短髮無多休落帽長風不斷且吹衣
相看下視人寰小祇合從今老翠微

和人游西巖

平生壯志浩無窮老寄寒泉亂石中閑去披襟弄清泚
靜來合眼聽玲瓏不知澗寺晴時雨何似溪亭落處風
吟罷君詩自瀟灑此心端不限西東

擇之賢友歸途左顧示以四明酬唱煥爛盈編

三復咏歎想見聚遊之樂輒用黃山即事之

韻賦呈擇之兼懷子重老兄順之賢友

十年身卧白雲堆已分黃塵斷往回不是幽人遺俗去
肯尋流水渡關來三秋風月從頭說千里湖山覲面開
久欲過逢須一快豈知勞結倍難裁

次韻題平父兄重建一杖堂

畫戟朱門枕碧山貂蟬元自出儒冠更餘此日林間樂
遠繼當年膝下歡命駕賓朋千里近放懷琴酒百憂寬
遺編却好傳孫子莫遣因循學宴安

次卜掌書落成白鹿佳句

重營舊館喜初成要共羣賢聽鹿鳴三爵何妨奠蘋藻
一編詎敢議明誠深源定自閑中得妙用元從樂處生
莫問無窮菴外事此心聊與此山盟

白鹿講會次卜大韻

宮墻蕪沒幾經年祇有寒烟鎖澗泉結屋幸容追舊觀
題名未許續遺編請為洞主不報青雲白石聊同趣謂西澗劉公霽
月光風更別傳謂瀟溪夫子珍重箇中無限樂諸郎莫苦羨

騰騫

再用前韻示諸同遊

幽卧寒巖不記年飽看山月聽風泉舒憂正得琴三疊
玩意惟憑易一編誤落塵中乖夙尚却思洞裏付真傳
封章倘幸天從欲便解銅符謝繫騫

次韻四十叔父白鹿之作

誅茅結屋想前賢千載遺踪尚宛然故作軒牕挹蒼翠

要將絃誦答潺湲諸郎有志須精學老子無能但欲眠
多少箇中名教樂莫談空諦莫求仙

奉同都運直閣張丈哭敬夫張兄張丈有詩敢

次元韻悲悼之極情見乎詞伏幸采覽二首

秀翁威畧愴華戎遺恨車書久未同喜有象賢堪嗣事
故知鴻業自無窮蕃宣合奏三年最風采俄驚一旦空
根本平生有深計遺書不但子囊忠

不應世道即漂淪何事今年失此人禮樂端能懷益友
琴笙忍遽樂嘉賓亦知遊好曾通譜却記登臨喚卜鄰
兩首悲詩數行淚感傷那復關清新張丈垂顧適聞訃音為羅郡宴敬夫

向嘗約熹徙居湖之上蓋相語於裴公臺上云

次韻寄題萬頃寒光奉呈休齋先生

閑將歲月老烟汀更遣詩情到杳冥
游子故應悲舊國壯懷那肯泣新亭
一官避世今頭白萬卷收功久汗青
但見潮生與潮落不知沉醉又還醒

熹伏蒙休齋先生惠詩見留謹次高韻

忽驚蕭颯鬢毛秋起向東山覓舊遊
盤谷門前淚沾臆雲臺溪上雪蒙頭
歸歟吾黨又千里老矣心期但一丘
珍重休齋書滿屋可無三宿為君留

伏承侍郎使君垂示所與少傅國公唱酬西湖

佳句謹次高韻聊發一笑

百年地闢有奇功劍見猶驚鶴髮翁
共喜安車迎國老

更傳佳句走郵童閑來且看湖頭入
樂事寧憂酒斝空會見台星與卿月
交光齊照廣寒宮

越王城下水融融此樂從今與眾同
滿眼芰荷方永日轉頭禾黍便西風
湖光盡處天空闊潮信來時海氣通
酬唱不誇風物好一心憂國願年豐

伏讀致政少傅相公送趙成都佳句兩篇不勝

慰幸已次高韻并餞其行而再賦此章以見

區區瞻仰之意繕錄並呈伏乞采覽

二首

歸來寂寞卧漳濱夢想威容阻再親
綠野遙開花欲語赤書還喜鴈來賓
閑中有句人爭誦妙處無心物自春
行馬不因吾輩設胷竒猶得話陳陳

一旦高辭將相權身名從此慶雙全人誇迹已風塵外
誰道心遊日月邊未許前賢專晚節更將餘事發春妍
君王若要詢黃髮便好臨雍促肆筵

懷潭溪舊居

憶住潭溪四十年好峰無數列牕前雖非水抱山環地
却是冬溫夏冷天遠舍扶疎千箇竹傍崖寒冽一泓泉
誰教失計東遷繆憊卧西牕日滿川

承事卓丈置酒白雲山居飲餞致政儲丈叔通
因出佳句諸公皆和熹輒亦繼韻聊發坐中
一笑

老去讀書秋樹根山林兒女定誰尊

東坡賦徐德占舊居有一為兒女流

始賢山林鼻之句

偶緣送客來僧寺却似披雲卧石門物外祇
今成跌蕩人間何處不啾喧一杯且為陽關盡雙目從
教別淚昏

引年得請伏蒙致政學士契丈特垂慶問寵以
佳篇捧玩之餘感愧亡量輒借高韻少見謝
誠伏幸笑鑑

一氣無私物自樂放臣偏荷主恩寬方慙妄竊老夫號
詎敢重簪博士冠身退未妨閑養病年豐何幸且偷安
新篇似許參同社願刺仙舟上釣灘

蒙恩忤遂休致陳昭遠丈以詩見賀已和答之
復賦一首

闌干首藉久空槃未覺清羸帶眼寬老去光華姦黨籍
向來羞辱侍臣冠極知此道無終否且喜閑身得暫安

漢祚中天那可料明年太歲又涸灘建隆庚申距今已未二百四十年矣

嘗記年十八歲時先君慨然顧語熹曰太祖受命至今百八十年矣歎息久之銘佩先訓于今甲子又復一周而衰病零落終無以少塞臣子之責因和此詩并記其語以示兒輩為之盡然感涕云

叔通老友探梅得句不鄙垂示且有領客携壺

之約次韻為謝聊發一笑

迎霜破雪是寒梅何事今年獨晚開應為花神無意管
故煩我輩著詩催繁英未怕隨清角疎影誰憐蘸綠盃
珍重南鄰諸酒伴又尋江路覓香來

和子澄白鹿之句

經旬不到鹿場陰夢想飛馳不自禁幸有高軒同勝賞
何妨折屐共幽尋徘徊未厭詩書樂感慨難忘忠孝心
更對豐鐫戩伐木風泉雲壑助清吟

次彥集經營別墅之作

田村成南指顧間要令華敞對巔岼家山信有千巖擁
家山堂見武夷諸峰雲月何妨兩處觀傑閣已資鄰築勝熹近蒙
賜舊第樓居新基還見綠墻寬老仙鶴骨殊蕭爽歸興從今

豈易闡

伏蒙致政少傅相公寵賜寄題武夷精舍詩一
首拜受捧讀不勝仰歎無以自見區區感幸

之誠輒繼高韻舊彌公所居坊名取答詔語也

望斷釣天白玉都石田茅屋詎應無况蒙一字榮袞袞
便覺千峯勝畫圖舊弼詩情高綠野狂奴心事只風雲
蒲輪幾日符嘉夢恰有流霞酒一壺

李義山武夷詩有流霞酒一杯句

五言絕句

聞蟬

悄悄小郭暗故園應掩扉蟬聲深樹起林外夕陽稀
汲清泉漬竒石置熏爐其後香烟被之江山雲
物居然有萬里趣因作四小詩

晴牕出寸碧倒影媚中川雲氣一吞吐江湖心渺然
一水渺空闊羣山中接連寒陰白霧湧飛度碧峰前
隱几對寒碧忘言心自閑豈知宜寂士滅跡青峰門

吟餘忽自笑老矣方好弄慨然思古人尺璧寸陰重

家山堂晚照效輞川體

二首

夕陽浮遠空西峰背殘照爽氣轉分明與君共晚眺
山外夕嵐明山前空翠滴日暮無與期閑來岸輕幘
奉同張敬夫城南二十咏

納湖

詩筒連畫卷坐看復行吟想像南湖水秋米幾許深

東渚

小山幽桂叢歲暮靄佳色花落洞庭波秋風渺何極
咏歸橋

綠漲平湖水朱欄跨小橋舞雩千載事歷歷在今朝

舫齋

考槃雖在陸澗瀆水雲深正爾滄洲趣難忘魏闕心

麗澤堂

堂後林陰密堂前湖水深感君懷我意千里夢相尋

蘭澗

光風浮碧澗蘭杜口猗猗竟歲無人采含薰祇自知

書樓

君家一編書不自圯上得石室寄林端時來玩幽蹟

小齋

藏書樓上頭讀書樓下屋懷哉千里心俯仰數椽足

象軒

先生湖海姿蒙養今自闕銘坐仰先賢點畫存象繫

石瀨

疏此竹下渠漱彼澗中石暮館繞寒聲秋空動澄碧

卷雲亭

西山雲氣深徙倚一舒歎浩蕩忽牽開為君展遐眺

柳堤

渚華初出水堤樹亦成行吟罷天津句薰風拂面涼

月榭

月色三秋白湖光四面平與君凌倒景上下極空明

濯清

涉江采芙蓉十反心無數不遇無極翁深衷竟誰識

西嶼

朝吟東渚風夕弄西嶼月人境諒非遥湖山自幽絕

淙琤谷

湖光湛不流嵌竇亦潛注倚杖忽淙琤竹深無覓處

聽雨舫

綵舟停畫槳容與得歌眠夢破蓬牕雨寒聲動一川

梅堤

仙人冰雪姿貞秀絕倫擬驛使詎知聞尋香問烟水

采菱舟

湖平秋水碧桂棹木蘭舟一曲菱歌曉驚飛欲下鷗

南阜

高丘復層觀何日去登臨一目長空盡寒江列暮岑

雜記草木 六首

天門冬

高蘿引蔓長挿援垂碧絲西牕夜來雨無人領幽姿

紅蕉

弱植不自持芳根為誰好雖微九秋榦丹心中自保

扶留

根節含露辛茗穎扶援綠鬖中靈草多夏永清陰足

竹

種竹官墻陰經年但憔悴故園新綠多宿榦轉蒼翠

榴花

窈窕安榴花乃是西鄰樹墜萼可憐人風吹落幽戶

萱草

春條擁深翠夏花明夕陰北堂罕悴物獨爾澹冲襟

獨覺

端居春向殘夏氣已清穆睡起悄無人風驚滿牕綠

澆花

晨起獨行園花藥發竒穎猶嫌墮露稀更汲寒泉井

觀劉氏山館壁中所畫四時景物各有深趣作

五言四咏

頭上山洩雲脚下雲迷樹不知春淺深但見雲來去
夕陽在西峰晚谷背南嶺煩鬱未渠央佇茲清夜景

清秋氣蕭瑟遥夜水崩奔自了巖中趣無人可共論
悲風號萬竅密雪變千林匹馬關山路誰知客子心

題謝安石東山圖

家山花柳春侍女髣髴綠出處亦何心晴雲在空谷

江月圖

江空秋月明夜久寒露滴扁舟何處歸吟蕭永佳夕

題尤溪宗室所藏二姬圖

瀟湘木落時玉珮秋風起日暮悵何之寂寞寒江水

右湘夫人

夫君行不歸日夕空凝佇目斷九疑岑回頭淚如雨

右湘君

庚申立春前一日

雪花寒送臘梅萼煥生春歲晚江村路雲迷景更新

謁表伯余宋祐

江上雪意滿風吹竹平林先生但堅坐稚子開柴荆

百丈山六咏

石磴

層崖俯深幽微迳忽中斷努力一躋攀前行有竒觀

小澗

兩崖交翠陰一水自清瀉俯仰契幽情神襟頓瀟灑

山門

置屋雨三間巧當竒絕處峽束百泉傾澗激回風度

石臺

出谷轉石稜俯身窺木末夕眺嵐翠分朝躋雲海闊

西閣

借此雲牕眠靜夜心獨苦安得枕下泉去作人間雨

瀑布

巔崖出飛泉百尺散風雨空質驟晴暉龍鸞共掀舞

雲谷二十六咏

雲谷

寒雲無四時散漫此小谷幸乏霖雨姿何妨媚幽獨

南澗

危石下崢嶸高林上蒼翠中有橫飛泉崩奔雜竒麗

瀑布

峰回危迳轉垂練忽千尋不為登山倦躊躇秋澗陰

雲關

白雲去復還黃塵到難入只有澗水聲出關流更急

蓮沼

亭亭玉芙蓉迴立映澄碧只愁小月明照作寒露滴

杉迳

南起雲關口縈紆上草堂天風發清籟山月度寒光

雲莊

小丘橫翠几層嶂復嗟我釋耒閑來看巖姿此處多

泉硤

入關但平田復此得清響何必問真源神襟亦蕭爽

石池

兩岸蒼峭石護此碧泓寒秋月來窺影驪珠吐玉盤

小楹

山楹一帳望恨此雲迷谷仙人不可期縹緲雙髻綠

藥圃

長鑿劓靈根蒔此泉下圃珍劑木須論丹萸已堪煮

井泉

山高澤氣通石竇飛靈液默料谷中雲多應從此出

西寮

畚田種胡麻結草寄林樾珍重無心人寒棲弄明月

晦菴

憶昔屏山翁示我一言教自信久未能巖棲冀微效

草廬

青山遶蓬廬白雲障幽戶卒歲聊自娛時人莫留顧

懷仙

西望多奇峰北瞰獨仙府欲致武夷君石壇羅桂醕

揮手

山臺一揮手從此斷將迎不見塵中事惟聞打麥聲

雲社

自作山中人即與雲為友一嘯雨紛紛無勞三奠酒

桃蹊

澗裏春泉響種桃泉上頭爛紅紛委地未肯出山流

竹塢

悄蒨桃蹊北蕭慘竹塢深不堪秋夜永風雨助悲吟

漆園

舊聞南華仙作吏漆園裏應悟見割憂嗒然空隱几

茶坂

攜籠北嶺西採擷供茗飲一啜夜牕寒跣趺謝衾枕

絕頂

當年赫曦臺移治在茲嶺寥廓無四鄰三光疑倒影

北澗

土斷川亦分北下成陰澗秀石得佳名服膺吾敢慢

有澗

石仁義

中溪

南下東嶺阿云是中溪道巖樹愛膠枝石田悲蔓草

休菴

別嶺有精廬林巒亦幽絕無事一往來茶瓜不須設

武夷精舍雜咏

精舍

琴書四十年幾作山中客一日茅棟成居然我泉石

仁智堂

我慙仁智心偶自愛山水蒼崖無古今碧澗日千里

隱求齋

晨牕林影開夜枕山泉響隱去復何求無言道心長

止宿寮

故人肯相尋共寄一茅宇山水為留行無勞具雞黍

石門塢

朝開雲氣擁暮捲薜蘿深自笑晨門者那心孔氏心

觀善齋

負笈何方來今朝此同席日用無餘功相看俱努力

寒栖館

竹間彼何人抱甕靡遺力遥夜更不眠焚香坐看壁

晚對亭

倚筇南山巔却立有晚對蒼峭矗寒空落日明影翠

鐵笏亭

山前舊有奪秀亭故侍郎胡公明仲嘗與山之隱者劉君蕪道游涉而賦詩焉

劉少豪勇游俠使氣晚更晦迹自放山水之間善吹鐵笛有穿雲裂石之聲胡公詩有更須橫鐵笛吹與人尋其故址適有笛聲發於林外悲壯道士數人皆震追感舊事因復作亭以識其處仍改今名

何人轉鐵笛噴薄兩崖開千載留餘響猶疑笙鶴來

釣磯

削成磬石稜倒影寒潭碧水日靜垂竿茲心竟誰識

茶竈

仙翁遺石竈宛在水中央飲罷方舟去茶烟裊細香

漁艇

出載長烟重歸裝片月輕干巖猿鶴友愁絕棹歌聲

七言絕句

夜雨

擁衾獨宿聽寒雨聲在荒亭竹樹間萬里故園今夜永
遙知風雪滿前山
故山風雪深寒夜只有梅花獨自香此日無人問消息
不應憔悴損年芳

寄諸同寮

把酒江頭烟雨時遙知江樹已芳菲應憐倦客荒茅裏
落盡梅花未得歸

涉澗水作

幽谷濺濺小水通細穿危石認行踪回頭自愛晴嵐好

却立灘頭數亂峰

送籍溪胡丈赴館供職

祖餞衣冠滿道周此行誰與話端由心知不作功名計
祇為蒼生未敢休

觀書有感

半畝方塘一鑑開天光雲影共徘徊問渠那得清如許
為有源頭活水來
昨夜江邊春水生蒙衝巨艦一毛輕向來枉費推移力
此日中流自在行

雪意

向晚浮雲四面平北風號怒達天明寒牕一夜清無睡
擬聽杉篁葉上聲

昨夕不知有雪而晨起四望遠峰皆已變色作

絕句

朔風吹盡暮雲平室煖爐紅睡達明但怪朝來滿山白
不知昨夜打牕聲

入瑞巖道間得絕句呈彥集文父二兄

翩翩一馬兩肩輿路轉秋原十里餘共說前山深更好
不辭迢遞款禪居
風高木落晚秋時日暮千林黃葉稀祇有蒼蒼谷中樹
歲寒心事不相違

輓延平李先生用西林舊韻 二首

一自籃輿去不回故山空鎖舊池臺傷心觸目經行處
幾度親陪杖屨來

上疏歸來空皂囊未妨隨意宿僧房舊題歲月那堪數
慙媿平生一瓣香

寄題瀏陽李氏遺經閣

老翁無物與孫兒樓上牙籤滿架垂更得南湖親囑付

歸來端的有餘師

南湖張敬夫書院

讀書不見行間墨始識當年教外心箇是儂家真寶藏
不應猶羨滿籬金

馬上口占次敬夫韻

幾日城中歌酒昏今朝匹馬向烟村迎人况有南山色

勝處何妨倒一尊

方廣道中半嶺小憩次敬夫韻

不用洪崖遠拍肩相將一笑俯寒烟向來活計蓬蒿底
浪說江湖極目天

道中景物甚勝吟賞不暇敬夫有詩因次其韻

穿林踏雪覓鐘聲景物逢迎步步新隨處留情隨處樂
未妨聊作苦吟人

方廣聖燈次敬夫韻

神燈照夜惟聞說皓月當空不用尋箇裏忘言真所得
便應從此正人心

壁間古畫精絕未聞有賞音者

老木樛枝入太陰蒼崖寒水斷追尋千年粉壁塵埃底
應識良工獨苦心

霜月次擇之韻

蓮花峯頂雪晴天虛閣霜清絕縷烟明發定知花蔌蔌
如今且看竹娟娟

蓮花峯次敬夫韻

月曉風清墮白蓮世間無物敢爭妍如何今夜峯頭雪
撩得新詩續舊篇

殘雪未消次擇之韻

脚底悲風舞凍鴉此行真是躡蒼霞仰頭若木敷瓊藥
不是人間玉樹花

林間殘雪時落鏘然有聲

青鞵布襪踏瓊瑤十里晴林未覺遙忽復空枝墮殘雪
恍疑鳴瓔落叢霄

福嚴讀張南湖舊詩

樓上低回摻別袖山中磊落見英姿白雲未屬分符客
已有經行到處詩

晚霞

日落西南第幾峯斷霞千里抹殘紅上方傑閣凭欄處
欲盡餘暉怯晚風

讀林擇之二詩有感

筍輿隨望入寒烟每誦君詩輒黯然今夜定知連榻夢

一時飛墮錫山前
竹輿傲兀聽嘔啞合眼歸心已到家遊子上堂慈母笑
豈知行李尚天涯

分宜晚泊江亭望南山之勝絕江往遊將還而
舟子不至擇之刺船徑渡呼之予與伯崇佇
立以俟因得二絕

寒水粼粼受晚風輕舸來往思無窮何妨也向溪南去
徙倚空林暮靄中

一棹翩然喚不回兩筇江畔久徘徊早知君有如神技
同下中流亦快哉

次韻擇之懷張敬夫

往時連騎向衡山同賦新詩各據鞍此夜相思一杯酒
回頭猶記雪漫漫

別韻賦一篇

踏雪凌霜眼界新舉鞭遙指玉嶙峋回頭此日成千里
橫槩思君少一人

題萬安野館

身似孤雲去復還投裝猶記此牕間只應烟雨蒼茫外
即是當時萬疊山

過樟木鎮晚晴二首

朝晴遣我看薌林頃刻浮雲萬里陰拂袖凌風二十里
依然寒日照長吟

飛雲極目疑梅嶺落日回頭夢橘洲從此不愁東路永
祇應西望轉悠悠

十二月旦袁州道中作

今朝已是臘嘉平我獨何為在遠行白髮倚閭應注想
青山聯騎若為情

竹節灘

船下清江竹節灘長烟漠漠水漫漫人家斷岸斜陽好
客子中流薄暮寒

次韻擇之舟中有作二首

一江烟水浩漫漫昨夜扁舟寄此間共向船頭望南北
不知何處是家山

一席三人抵項眠心知篷外水如天起來却怪天如水
月落烏啼浦樹邊

自東湖至列岫得二小詩

孺子高風何處尋東湖臺觀水雲深生芻一束人如玉
此日淒涼萬古心

昨日來時萬里陰長江雪後玉千岑蒼茫不盡登臨意
重對晴天豁晚襟

觀上藍賢者所藏張魏公手帖次王嘉叟韻

火風吹散旱天雲膚寸空餘翰墨新拭淚相看渺今古
堂堂那復有斯人

野望

登高立馬瞰晴川四面平林接暝烟東望不堪頻極目
歸心已度鳥飛前

次韻擇之金步喜見大江有作

江頭四望遠峰稠江水中間自在流並岸東行三百里
水源窮處即吾州

次韻擇之餘干道中

寒盡春生草又青化工消息幾曾停因君一詠陵坡麥
恍憶儂家老圃亭

亭下予家種麥處也

次韻擇之鉛山道中二首

幾月高堂闕問安歸塗不管上天難誦君兩疊思親句
也信從來取友端

行盡江湖萬疊山家山猶在有無間明朝漸喜登陶嶺
澗水分流響佩環

送林擇之還鄉赴選三首

青驪去路欲駸駸回首猶須話此心一別便成三數月
有疑誰講過誰箴

門外槐花似欲黃高堂應望促歸裝箇中自有超然處
肯學兒曹一例忙

今朝握手送君歸馬上薰風拂面吹不用丁寧防曲學
寒牕久矣共心期

夜聞擇之誦師曾題畫絕句遐想高致偶成小
詩

一幅瀟湘不易求
新詩誰遣送閑愁
遙知水遠天長外
更有離騷極目秋

送林熙之

君行往返一千里
過我屏山山下村
濁酒寒燈靜相對
論心直欲到忘言

十年燈火與君同
誰道年來西復東
不學世情雲雨手
從教人事馬牛風

古鏡重磨要古方
眼明偏與日爭光
明明直照吾家路
莫指并州作故鄉

次劉彥集木犀韻

仙衣纔試鬱金黃
便覺秋風滿院芳
定觀極知先透徹
通心豈是故迎將

登蘆峯

行到蘆峯最上頭
幾回振策又還休
因君好句撩孤興
却恨雲烟未肯收

送許順之南歸 二首

門前三徑長蒿萊
媿子殷勤千里來
校罷遺書却歸去
此心元自不曾灰

幾年江海事幽尋
徧與雲僧話此心
今日肯來論舊學
歲寒猶恐雪霜侵

和喜雨 二首

雨歸誰遣送餘春
珍重天公惠我民
且看歡顏垂白叟

莫愁頽頽踏青人

黃昏一雨到天明
夢裏豐年有頌聲
起望平疇烟草綠
只今投筆事農耕

唐石雪中

春風欲動客辭家
霖潦縱橫路轉賒
行到深山愁絕處
千林一夜玉成花

讀李賓老玉澗詩偶成

獨抱瑤琴過玉溪
琅然清夜月明時
祇今已是無心久
却怕山前荷蕢知

次呂季克東堂九詠

野塘小隱

傳得希夷八卦圖
歸來不復夢榮途
野塘竟日無人到
讀盡床頭種樹書

敬義堂

高臺巨榜意何如
住此知非小丈夫
浩氣擴充無內外
肯誇心月夜同孤

方拙寮

一室歸來萬事新
牕間橫竹挂朝紳
九流未讓園機士
四海寧慙巧宦人

吟我室

蒲團竹几睡曹騰
客問君今幾折肱
身世兩忘無可答
起尋詩句遠階行

愛蓮

聞道移根玉井旁
開花十丈是尋常
月明露冷無人見
獨為先生引興長

月臺

臺上無人伴
苦吟歸鴉過
盡日西沉須
更玉匣開塵鏡
却有孤光共此心

菜畦

雨餘菜甲翠光勻
杞菊成畦亦自春
骨相定知非食肉
可能長伴箇中人

海棠屏

荀樹成行翠作圍
花開時節更芳菲
主人夢亦尋春去

此日秋風一棹歸

梅

姑射仙人冰雪容
塵心已共彩雲空
年年一笑相逢處
長在愁烟苦霧中

香茶供養黃蘗長老
悟公故人之塔
并以小詩

見意

擺手臨行一寄聲
故應離合未忘情
炷香瀟茗知何處
十二峯前海月明

夜

獨宿山房夜氣清
一牕涼月共虛明
鄰雞未作人聲絕
時聽高梧滴露鳴

題中峯杉徑

盤回山腹轉脩蛇橫入中峯小隱家好把穉杉緣徑插
待迎涼月看清華

水口行舟 二首

昨夜扁舟雨一簑滿江風浪夜如何今朝試捲孤篷看
依舊青山綠樹多

鬱鬱層巒夾岸青春山綠水去無聲烟波一棹知何許
鷓鴣兩山相對鳴

秋日

一雨生涼杜若洲月波微漾綠溪流茅簷歸去無塵土
淡薄閑花遶舍秋

春日偶作

聞道西園春色深急穿芒屨去登臨千葩萬蕊爭紅紫
誰識乾坤造化心

克己

寶鑑當年照膽寒向來埋沒太無端祇今垢盡明全見
還作當年寶鑑看

公濟和詩見閔耽書勉以教外之樂以詩請問

至理無言絕淺深塵塵刹刹不相侵如云教外傳真的
却是瞿曇有兩心

未必瞿曇有兩心莫將此意攪儒林欲知陋巷憂時樂
只向韋編絕處尋

雲梅二閣奉懷敬夫

雲垂幕陰風慘淡天花落天花落千林瓊玖一空鸞鶴
征車渺々穿華薄路迷迷路增離索增離索剡溪山
水碧湘樓閣

梅花發寒梢挂着瑤臺月瑤臺月和羹心事履霜時節
野橋流水聲嗚咽行人立馬空愁絕空愁絕為誰凝
竚為誰攀折

張南軒

五言古詩

再用前韻

首章散失

元化首萬類聖學極幾深有如亞聖賢尚謹殆與淫淺

見僅一斑歡喜不自禁豈知天地全於穆千聖心嗟哉
我學子進道宜駸駸立志務弘毅異說毋交侵仁端驗
發見精微試探尋超然見大體皎日破重陰重新鄒魯
傳挽回韶濩音當年不自勉與物終堙沉神龍倏變化
豈復顧泥滓有來南山友更唱共迭吟羣材欲封殖杞
梓看成林慙懃勸學子逆耳成良箴

嚴慶胄射策南歸迂途相訪六月二十有一日
同遊城南書院論文鼓琴煮茶烹鮮徘徊湖上
薄莫乃歸明日作別書此為贈

炎暑盛三伏駕言得清游城南才里所便有山林幽崇
蓮炫平堤脩竹綠高丘方茲閔雨辰亦有清泉流舉綱

鮮可食汲井瓜自浮絲桐發妙音更覺風颼颼喜無舉
業累獨有講學憂逮子閒暇日微言要窮搜譬彼治田
者黽勉在勿休但勤穡菘功勿作刈獲謀雖云千里別
豈無置書郵祝子時嗣音慰我日三秋

賦遺經閣

生世豈云晚六籍初未亡向來言外旨矐視多茫茫隱
微會見獨如日照八荒始知傳心妙初豈隔毫芒絕學
繼顏孟淳風返虞唐讀書無妙解數墨仍尋行况復志
寵利荆榛塞康莊自云稽古功此病真膏肓君家屹飛
閣面對羣山蒼匪為登臨娛牙籤富貴藏邀予為著語
會意詎可忘一洗漢儒陋活法付諸郎

送元晦

君侯起南服豪氣盖九州頃登文石陛忠言動宸旒坐
令聲利場縮頸仍包羞却來卧衡門無愧自日休盡收
湖海氣仰希洙泗游不遠關山阻為我再月留遺經得
紬繹心事兩綢繆超然會太極眼底無全牛惟茲斷金
友出處寧殊謀南山對床語匪為林壑幽白雲正在望
歸袂風颼颼朝來出別語已抱離索憂妙質貴強矯精
微更窮搜毫釐有不察體用豈周流驅車萬里道中途
可停輶勉哉其無斁邈矣追前脩

荆湖望月

浩浩湖之源迤邐衡山下有月來中天明珠千斛瀉澄

澈一塵無交輝清不夜
嗟彼泉下人逝莫挽
逸駕惟有不死心清光
偏華夏

五言律詩

上封有懷元晦

憶共朱夫子登臨冰雪中
劇談無俗調得句有新功
別去雁橫浦重來月滿空
遙憐今夕意清夢儻相同

登嶽麓赫曦臺聯句

泛舟長沙渚振策湘山岑
元晦烟雲眇變化宇宙窮
高深懷古壯士志憂時君子心
敬夫寄言塵中客莽蒼誰

能尋

元晦

七言律詩

落梅

清溪南畔小橋東
落月紛紛水映紅
五夜客愁花片裏
一年春事角聲中
歌殘玉樹人何在
舞破香衫曲未終
却憶孤山醉歸路
馬蹄殘雪襯春風

濂洛風雅卷六

濂洛風雅卷七

真西山

五言古詩十一首

七言古詩一首

雜言詩一首

七言律詩一首

許魯齋

五言古詩三首

七言古詩二首

五言律詩八首

七言律詩五首

濂洛風雅目錄 許魯齋

五言絕句二首

七言絕句五首

濂洛風雅卷七

真西山

五言古

登南嶽山

烟霞本成癖况復遊名山舉手招白雲欲納懷袖間吐
哉亦癡絕有著即名貪振衣遇長風浩々天地寬

送裴司直得請西歸

輕舸龍山頭木蘭作雙櫓飄然裴司直乘向南昌去問
君鷓鴣中脫身遽如許棲遲三十年始得官掌故小須
上々考豈不登省戶自言野心性昧目九衢霧修竹歲
云晚萱草秋亦暮嗷々投林鳥猶得反其哺江西父母

濂洛風雅卷七 真西山

非復昔饒裕蠻烟一腥穢樂歲且狼顧遺黎空杆軸
行旅窘刀布天門窈萬里可望不可籲君今佐元帥精
采繫一路瘡痍俟滌濯畫諾歸飲助先聲路人喜高節
懦夫慕過當再前席一正天子度白鷗沒浩蕩蒼鷲在
指呼我亦南陔人扁舟逆此具

司理弟之官岳陽相別于定王臺悽然有感為

賦詩以餞其行

定王百尺樓長安萬里目昔人思親心山川詎能局於
焉共登臨使我增感觸微霜隕陔蘭悲風撼庭木銀山
在何許白雲但空谷搔首重裴回冥冥江樹綠
念昔戲綵時歡娛共晨夕天風吹鷺鴻一散不並翼相

逢重湖南感嘆復悽惻王事不可留去指重湖北層樓
相悵望茫茫楚天碧數寄平安書老懷庶寬釋

憶我將漕年適如子今日於焉四閨餘過眼風雨疾壯
彊豈足恃進德當汲汲永懷古之人聞道在四十我慚
已過之因循悼前失子盍猛自鞭聖門木無柅

送吳定夫西歸

吾衰倦對客晤語惟青山修竹引清風時為掩柴關今
晨何人來蹋破莓苔斑驚頽復自喜不妨伴虛閑
世情重聲利榮塗足趨走夫君獨何為經年闔林藪東
尋金壇翁南訪玉峰叟借問兩矍仙來時輕健否
慈門者仙伯乘雲賓帝鄉念之每汎瀾風味不可忘其

門多英特清文照縑緗為我最諸賢佐道當自強
麻源在何許茫、白雲端悽其一布裘何以禦風寒歸
來有餘師興盡當知還便好劇空谷騰種青琅玕

七言古

挹仙亭

漢宮葦篋兒呱、濟南梓柱蔭扶蘇富平家人正媮樂
安昌帝師工獻諛子真東南一尉耳黃綬淒涼百僚底
手持短梳叩天關義激丹衷淚橫皆翩然一朝徑拂衣
愛君無路空依、人傳九江已仙去吳門再見是邪非
神仙茫、那可測上帝從來賞忠直天上果有驂鸞人
合領羣真朝北極自漫舉手謝世間千年白鶴何時還
玉簫聲斷杉檜冷祗餘丹竈留空山谷口之孫古庸使
亭斲青冥挹仙袂耿、應懷貫日忠飄、豈羨凌雲氣
我來快讀華星篇清徹毛骨風冷然何當結茅最高頂
一榻容我分雲煙

雜言

題金山

江來朱方注之東海潮怒飛日夕相撞春天將古來義
士骨化作狂瀾中央屹立之青峰孤根直下二千尺動
影裊窈冲融中黃金側布蘭若地鑿翠面、開窻櫺雙
椽伊軋破浪屋恍忽置我高龍窠是時千山雪新霽水
面月出天清空濤聲四起人籟寂毛髮蕭爽琉璃宮披

衣明發灑煙靄決皆俯入歸飛鴻襟前渤澥斂晴色袖
裏岷峨吹曉風越南燕北但一氣塵埃野馬何時窮蒼
梧虞舜不可叫王事更恨歸匆

七言律

送永嘉陳有輝

永嘉陳君有輝潛心易學許以所著示余
木及請而君歸矣拙詩贈行且堅再會之約

云

深山讀易如康節白首談玄似子雲肯學時流詩末技
却於聖處策奇勳二圖君已窺微指十翼吾方媿淺聞
君開水心葉公言十翼非孔子作嘗
質疑於其晚學不敢斷其是否故云得意春風重過我

綠波清夜話義文

許魯齋

五言古詩

遊黃華

我生愛林泉俗事常鞅掌十年苦煩劇一念愈傾仰峯
巒看畫圖雲烟入想象久成心上癖欲忍不可強荷有
敬齋公恒以善相長携我遊黃華一洗塵慮爽行行歎
奇絕舉目皆勝賞鏡臺聳百嶽瀑布落千丈石苔積重
痕溪風動幽響使我躁競息使我心志廣恍如夢中身
翱翔千古上回首聲利場誰能脫塵網我老得仁心動
作皆可像還家擬鄰居求賢莫接壤便許樸鈍質於此

靜中養

別西山

大山如蹲龍小山如踞虎烟嵐鬱蒼翠遠近互吞吐我
來蘇門居遨遊成樂土策杖望朝雲捲簾看暮雨佳意
豁塵腥勝槩入談麈使我鬱陶消使我勞瘵愈生平鄙
吝心一洗出千古回首聲名人何殊坐圜遠役非素
懷况有跋涉苦吟鞭裊春風遲遲如去魯芳菲二三月
追遊盛梅塢歸來願無違一觴相對舉

我愛林慮山不處要路津茲焉幾千古絕彼朝市塵我
來成素交淡淡日益親形骸兩相忘誰主復誰賓充然
樂我饑怡然棲我神朝光連暮色佳意含餘春心境一
融會世味殊未真奕奕草木光熙熙禽鳥馴衆物欣有
托吾廬行亦新詩書詠而歸况有耆德鄰

七言古詩

和吳行甫雨雹韻

山雲突起凌碧虛怪狀竒態成須臾驚風急雨迸飛雹
飄驟散落千萬珠半空光冷掣電火平地聲走奔雷車
神龍奮怒乃若此不識造化將何如默知嘉禾半漂沒
坐看積潦橫穿窬小民咨嗟復愁歎謾執俗議尤當途
當途于今藹房杜機畧自知天下無有才足使人羨慕
有勢足使人奔趨暇考陰陽論調燮暇紆微斂矜號呼
今年金繒滿千馱明年好上登封書

訓子

干戈恣爛熳無人救時屯中原竟失鹿滄海變飛塵我
 自揣何能能存亂後身遺芳藉遠祖陰理出先人俯仰
 意油然而此樂難擬倫家無擔石儲心有天地春况對汝
 二子豈復知吾貧大兒願如古人淳小兒願如古人真
 平生乃親多苦辛願汝苦辛過乃親身居畎畝思致君
 身在朝廷思濟民但期磊落忠信存莫圖苟且功名新
 斯言殆可書諸紳

五言律詩

觀物

萬物備吾身身貧道未貧觀時見物理主敬得天真心
 爽星辰夜情欣草木春自憐斷喪後能作太平人

北門觀漲

雨水添新漲陂湖沒舊痕人迷堤口路船上樹頭村歲
 事知前悞秋耕未可論誰憐徭役外天亦恡深恩

病卧

一病連三載孤身萃百憂干戈良未已妻子若為謀生
 可陪諸弟歸當老故丘難忘終始義忍死更遲留

不寐

秋宵初感慨展轉不成眠老况青燈外羈愁白髮邊蹉
 跎嗟往事安穩憶歸年却起開門望玉霜清月滿天

別友人

良朋不易得此去復誰羣別酒無勞勸濃愁已自醺間
關花外鳥冷淡日邊雲莫唱陽關徹離聲忍更聞

喜晴

霽色開晴望春風破客顏綠紆東去路青起北來山魏
府方期往共城已夢還芳菲梅塢盛要醉竹花間

趙氏南庄

曉起北牕涼清談戢羽觴入簾花氣重落地燕泥香夢
裏青山小吟邊白日長秋風載書籍相對築苑堂

夜雨

苦雨變秋霖瀟瀟入夜深亂敲驚葉脫清響雜蛩吟往
事千年夢故鄉萬里心西風助淒切不管客難任

七言律詩

病中雜言

莫怪新貧歷舊貧貧來尤覺此心真自憐孤力膺邪議
常欲幽居遠市塵千里烟霞山障曉一竿風月野橋春
憑誰寄問鄉間老我去何人願卜鄰

學題武郎中桃源歸隱圖

果肯歸來學隱淪閑中別有一乾坤可人碧草自春意
入枕朱絃醒醉魂花滿春風看錦浪水明涼月話黃昏
此中意趣知多少莫對簪纓取次論

春雪

玉塵如糝滿東風人道天教兆歲豐麥已埋深郊外綠

花都封却樹頭紅
半年枯槁從今潤
千里芳菲是處空
為問王孫與農叟
憂歡應見兩難同

用行甫韻

蛟鼉不肯脫淵深
烏雀還知宿茂林
笑我羈孤成蹙蹙
千今衰老復駸駸
困來未易追前事
病久猶當屈壯心
聞道西溪田可得
安栖從此有佳音

偶成

屈指年華四十三
歸來憔悴百無堪
遠懷未得生前遂
俗事多因困後諳
百畝桑麻負城邑
一軒花竹對烟嵐
紛紛世態終休論
老作山家亦分甘

五言絕句

別友人

永懷不得遂
偃卧惜分陰
沁北田園計
山東故舊心

九日思親

九日人歡遇
雙親我獨思
倉皇迷路後
哀苦哭兒時

七言絕句

登天王臺

樓閣荆榛幾變更
登臨只見古今情
當年勝迹無人問
依舊春風草又生

宿卓水 二首


寒缸挑盡火重生
竹有清聲月有明
一夜客牕眠不穩
却聽山犬吠柴荆

瀛洛風雅卷七
山水年來滿意看只無幽竹伴幽閑從君願乞龍孫去
栽向西城空隙間

大暑登東城 二首

雲間畏日不肯下天際好風殊未來安得盆傾三尺雨
暑天一洗絕塵埃

三丈危城日暮登暑威殊不霽憑陵何時太華高峰上
細嚼松陰六月冰



瀛洛風雅卷七

